



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCLVI. Jubilæum pro Christifidelibus Italiæ, & Insularum adjacentium
Divinam opem contra Turcas, & Pestem implorantibus.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

nes ab eis peractæ etiam a dictis Prioribus Generalibus approbatæ vim legitimi ad præmissa requisiti non obtinerent, nisi in aliqua ex designatis Urbibus habitæ fuissent, & alias prout in nostris de super in simili forma Brevis die 10. Novembris 1733. expeditis literis, quarum tenorem præsentibus pro expresso, & inserto haberi volumus ubi dicitur contineri.

§. 4. Quoniam autem, sicut d. Nicolaus Ant. Prior Gen. Nobis nuper exponi fecit, inter cetera requisita pro assequendo gradu Magisterii hujusmodi, lectio S. Scripturæ, quæ in Ecclesia S. Augustini de eadem Urbe Ordinis prædicti habetur, quæ maximi laboris est comprehensa, minime reperitur, ac insuper in supradicto Capitulo generali (licet in memoratis nostris literis id minime expressum fuerit) sancitum fuit, quod intra decennium Prædicationis unusquisque ex Prædicatoribus prædictis omnino in aliqua ex Civitatibus nempe Urbis prædictæ Bononiæ, & Florentiæ absque ulla indulgentia pro assequendo gradu Magisterii prædicti verbum Dei prædicare deberet, ipse Nicolaus Antonius Prior Generalis Civitatem etiam Paduanam intuitu Universitatis Studii generalis, quæ in ea existit, comprehensam etiam esse per Nos declarari plurimum desiderat: Nobis propterea humiliter supplicari fecit, ut sibi in præmissis opportune providere, & ut infra indulgere de benignitate Apostolica dignaremur.

§. 5. Nos igitur dictum Nicolaum Antonium amplioris favore gratiæ prosequi volentes, & a quibuscumque excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, ut de cetero licet inter alia requisita in Decreto Capituli Generalis supradicti præfinita, & Prædicatoribus generalibus ejusdem Ordinis pro assequendo gradu Magisterii præscripta lectio Sacræ Scripturæ pro tempore in Ecclesia S. Augustini de eadem Urbe dicti Ordinis comprehensa non sit, nihilominus non solum lectio prædicta cuicumque ex Fratribus ipsius Ordinis, qui eam in dicta Ecclesia peregerit, ad supradictum effectum suffragetur, & suffragari debeat, verum etiam quot annis illam expleverit, tot anni pro requisitis prædictis computentur, auctoritate prædicta tenore præsentium decernimus, & declaramus.

§. 6. Ac insuper pari auctoritate volumus, & præcipimus, ut unusquisque ex eisdem Fratribus intra decennium prædicationis, ut præmittitur, pro hujusmodi effectu præscriptum in quibuscumque Civitatibus supradictis explendum in aliqua omnino Civitatem, sive Urbis nostræ prædictæ, sive Bononiæ, sive Florentiæ, sive Paduæ verbum Dei pro assequendo gradu hujusmodi prædicare debeat, & teneatur, alioquin Conciones per eum peractæ vim legitimi ad præmissa requisiti non obtineant.

§. 7. Occurrentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, inconcussè observari, illisque respective plenissime suffragari; Sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiri debere, ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 8. Non obstantibus præmissis, ac Constitutionibus, & Ordinationibus Apostolicis, necnon quatenus opus sit supradicti Ordinis, aliisque quibuscumque etiam juramento, confirmatione Apo-

stolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis illorum tenores præsentibus pro plene, & sufficienter expressis ac de verbo ad verbum insertis habentes; illis alias in suo robore permanfuris, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 20. Aprilis 1739. Pont. Nostri Anno Nono.

Jubilæum pro Christifidelibus Italiæ, & Insularum adjacentium Divinam opem contra Turcas, & Pestem implorantibus.

CLEMENS PP. XII.

Universis Christifidelibus præsentis Literas inspecturis salutem, & Apostolicam Benedictionem.

§. 1. Quam in omnibus fere Sacræ Scripturæ paginis ad eruditionem unicuique traditam doctrinam, luculentissimis tum veteris, tum novi Fœderis exemplis comprobata, confirmari in dies experimur, ut omnem in Deo nostro repentes fiduciam, opportunum ad avertenda propulsandaque quæcumque impendentia mala per salutaris poenitentiae lamenta, jejunia, elemosinas, sinceræque obsecrationes a misericordiarum Patre, & Deo totius consolationis auxilium præstolemur; hanc etiam in Christifidelium mentibus instam semper & venerata tamquam Fidei galeam, & inexpugnabile salutis scutum in omnibus angustiis assumere deest unumquemque; Catholica certe Ecclesia tum maxime se obstrictam esse novit, cum aut gravissimas urgere necessitates, aut adversus Christiani nominis Cultores ab infensissimis hostibus arma inferri, calamitatelque, & excidium intentari animadvertit.

§. 2. Nos autem, quibus plane immerentibus suprema omnium Ecclesiarum sollicitudo, & cura a Pastorum Principe Jesu Christo demandata est, cum bellum, tertius jam annus est, ex quo exarserat, in Hungaria periculosissimum cum Turcarum Tyranno agitari inaudivissemus, tum privatis, tum publicis indictis precibus Dominum Deum Exercituum exoravimus, ut mitteret auxilium suum de Sancto, & effunderet iram suam in Gentes, quæ in fortitudine sua gloriabantur. Hoc idem elapso anno non intermissis obsecrationum studiis præstare non omisimus.

§. 3. Quoniam autem tantum bellum majoribus, quam antea, viribus ex toto Oriente comparatis, & efferaciori rabie ab Othomano furore hoc anno instaurari, pestemque adhuc durare accepimus: primum quidem in humilitate cordis nostri cum gemitibus, & lacrimis prosternimus preces nostras ante faciem Dei nostri, ut respiraret in hereditatem, quam acquisivit sanguine suo; deinde vero quæcumque potuimus, industriz opisque consilia, & auxilia alacri studio conferre curavimus. Tandem scientes concordem supplicantis Ecclesiæ ad Dominum Orationem potentiorē, quam cetera, esse, ut ponat ille oculos suos ad placandum, & liberandum populum suum ab iis, qui confidunt in quadrigis, & in equitatu suo, & in multitudine Bellatorum: publicas quoque preces iterum, sed ardentiori Charitatis fervore conjunctas in universa Italia eique Insulis adjacentibus indicendas esse arbitramur: ut Dominator Cælorum, qui pius, & misericors est, & propitiatur invocantibus se in veritate

Dat. die 10.
Aprilis 1739.
An. IX.

CCLVI.

In calamitatibus recur-
rendum ad
Deum Scrip-
tura docente
erudimur.

Orto itaque bello in
Hungaria
infesta a
Pontifice
privatæ sup-
plicationes.

Ingravescente autem
hujusmodi
bello eas pub-
licas esse
statuit.

Modo sup-
plicat decla-
rari Lectio-
nem S. S. rip-
turæ in Ec-
clesia S. Au-
gustini de
Urbe per de-
cennium fa-
ciendam suf-
ficere ad
Lauream
consequen-
dam Para-
viumque in-
ter principa-
le. Urbes ad-
numerari.

Sicque de-
clarat Pontifex.

Etiā
quoad Civi-
tatem Para-
vinam.

Clausula ad
stabilendam
prædictorum
omnium ob-
servantiam.

Derogatio
contrario-
um.

Deus noster, & non secundum armorum potentiam, sed prout ipsi placet, dat dignis victoriam, benedicat Nos, ac tueatur; & metuant eum Adversarii nostri, & confundantur, & dispareant, & fiat pax in diebus nostris, & letemur in salutari suo. Verum, ut Orationum suffragia accepta sint in conspectu Dei nostri, & fructuosius omnia peragantur, ex prisco Romanæ Ecclesiæ omnium Matris, & Magistræ more, ecclesiæ manerum thesauros, quorum dispensationem fidei nostræ commisit Divina dignatio aperire, & liberali manu erogare decrevimus.

Jubilæum universale indicit in Urbe.

§. 4. Itaque de Omnipotentis Dei Misericordia, ac BB. Petri, & Pauli Apostolorum ejus auctoritate confisi, ac illa ligandi atque solvendi potestate, quam Nobis Dominus, licet indignis, contulit, omnibus, & singulis utriusque Sexus Christianis, tam in hac alma Urbe Nostra, quam in universa Italia, & Insulis ei adjacentibus hujusmodi degentibus, quorum iis, qui in prædicta Urbe Nostra solemniter Processioni Dominica prima mensis Maii proxime venturi, in qua Inventionis Sanctissimæ Crucis D. N. J. C. festum celebratur, ab Ecclesia S. Mariæ in Vallicella nuncupata de eadem Urbe ad Basilicam Principis Apostolorum in Vaticano, universo interveniente Clero, & Populo, agendæ devote interfuerint; vel S. Joannis in Laterano, ejusdem Principis Apostolorum, & S. Mariæ Majoris dictæ Urbis Ecclesiis, seu Basilicis, vel earum aliquam intra spatium duarum hebdomadarum, a prædicta Dominica inchoandarum, & usque ad Dominicam Pentecostes inclusive decurrendarum saltem semel devote visitaverint, ibique per aliquod temporis spatium pias ad Deum preces, ut supra effuderint, ac quarta, & sexta feriis, & Sabbatho alterius ex prædictis hebdomadis jejunaverint, & peccata sua confessi Sanctissimum Eucharistiæ Sacramentum in Dominica die immediate sequenti, vel alia die intra eandem hebdomadam reverenter sumserint, ac pauperibus aliquam elemosynam, prout unicuique suggeret devotio, erogaverint.

Extra Urbem præscripta forma illud assequendi.

§. 5. Ceteris vero extra Urbem prædictam, ut præmittitur, degentibus, qui Ecclesias ab Ordinariis locorum, vel eorum Vicariis, seu Officialibus, aut de eorum mandato, & ipsis deficientibus, per eos, qui ibi curam animarum exercent, postquam ad eorum notitiam hæc nostræ pervenerint, designandas, vel Ecclesiarum hujusmodi aliquam spatium duarum similiter hebdomadarum a publicatione designationis per Ordinarios, vel eorum Vicarios, seu Officiales, vel alios ut præfertur, faciendæ decurrendarum saltem semel visitaverint, ibique, ut supra, oraverint, ac quarta, & sexta feriis, ac Sabbatho alterius ex hebdomadis hujusmodi jejunaverint, partiterque peccata sua confessi, ac in die Dominica immediate sequenti, vel alia die intra eandem hebdomadam SSima Communionem refecti fuerint, & pauperibus aliquam elemosynam, ut præmittitur, erogaverint, plenissimam omnium peccatorum suorum Indulgentiam, & Remissionem, sicut in anno Jubilæi visitantibus certas Ecclesias intra, & extra Urbem prædictam concedi consuevit, tenore præsentium concedimus, & largimur.

Quid peregrinandum sit a Navigantibus statuit.

§. 6. Navigantes vero, & iter agentes, ut cum primum ad sua sese domicilia receperint, superscriptis peractis, & visitata Ecclesia Cathedrali, vel majori, aut Parochiali loci eorum domicilii, eandem Indulgentiam consequi possint & valeant: Regularibus autem personis utriusque Sexus, etiam in claustris perpetuo degentibus, necnon aliis, quibuscumque tam Laicis, quam Ecclesiasticis Sæcularibus, vel Regularibus, etiam in carcere, aut captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum ali-

qua præstare nequiverint, ut illa Confessarius ex jam approbatis a Locorum Ordinariis ante præsentium publicationem, seu approbandis, eis in alia pietatis opera commutare, vel in aliud proximum tempus erogare possit, eaque injungere, quæ ipsi Pœnitentes efficere poterunt, pariter concedimus & indulgemus.

§. 7. Insuper omnibus, & singulis Christianis utriusque Sexus tam Laicis, quam Ecclesiasticis, Sæcularibus, & Regularibus cujuscunque Ordinis, Congregationis, & Instituti, tam in Urbe prædicta, quam extra eam in universa Italia, & Insulis ei adjacentibus prædictis, ut præfertur, degentibus, licentiam concedimus & facultatem, ut sibi ad hunc effectum eligere possint quemcumque Presbyterum Confessarium tam Sæcularem, quam cujuscunque Ordinis & Instituti Regularem ex approbatis, ut præmittitur, a Locorum Ordinariis, qui eos ab Excommunicationis, suspensionis, & aliis Ecclesiasticis Sententiis, & Censuris a jure, vel ab homine quavis causa latis, seu inflictis, necnon ab omnibus peccatis, excessibus, criminibus, & delictis quantumvis gravibus, & enormibus, etiam Locorum Ordinariis, sive Nobis & Sedi Apostolicæ, etiam in Literis die Cœnæ Domini legi solitis, contentis, & alias per quacumque nostras, aut Romanorum Pontificum Prædecessorum nostrorum Constitutiones, quarum tenores præsentibus haberi volumus pro expressis quomodocumque relevatis, in foro Conscientiæ, & hac vice tantum absolvere, & liberare valeant, & insuper vota quæcumque (Religionis & Castitatis exceptis) in alia pia, & salutaria opera commutare, in junda tamen eis, & eorum cuilibet in prædictis omnibus casibus penitentia salutari, aliisque ejusdem Confessarii arbitrio injungendis.

§. 8. Quapropter tenore præsentium in virtute Sanctæ Obedientiæ districtè præcipimus atque mandamus omnibus, & quibuscumque Venerabilibus Fratribus Patriarchis, Archiepiscopis, Episcopis, & aliis Ecclesiarum Prælati, ac quibuscumque Ordinariis locorum ubicumque existentibus, eorumque Vicariis, & Officialibus, vel iis deficientibus, illis, qui curam Animarum exercent, ut cum præsentium literarum transumpta, aut exempla, etiam impressa acceperint, illa statim absque ulla mora, retardatione, vel impedimento per suas Ecclesias, & Dioceses, Provincias, Civitates, Oppida, Terras, & Loca publicent, & publicari faciant, Ecclesiamque, seu Ecclesias visitandas designent.

§. 9. Non intendimus autem per præsentis super aliqua irregularitate publica, vel occulta, nota, defectu, incapacitate, seu inhabilitate quomodocumque contracta dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientie; neque etiam easdem præsentibus, qui a Nobis, & Apostolica Sede, vel ab aliquo Prælati, seu Judice Ecclesiastico, etiam eorum nomine speciatim non expresso excommunicati, suspensi, interdicti, seu alias in sententias, & censuras incidisse declarati, vel publice denunciati fuerint, nisi intra tempus dd. duarum hebdomadarum satisfecerint, aut cum Partibus concordaverint, ullo modo suffragari posse, aut debere.

§. 10. Non obstantibus Constitutionibus, Ordinationibus Apostolicis, præsertim quibus facultas absolviendi in certis tunc expressis casibus ita Romano Pontifici pro tempore existenti reservatur, ut nec etiam similes; vel dissimiles Indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant; necnon regula nostra de non concedendis Indulgentiis ad instar quorumcumque Ordinum, & Congregationum, sive Institutum Regularium etiam juramento, confirmatione Apostolica, vel quavis firmitate

Facultatem impertitur eligendi sibi Confessarium cui peculiare tribuit facultatem.

A Patriarchis ceterisque Episcopis hujusmodi Jubilæum publicari præcipitur.

Reservatio casuum.

Derogatio contrarium.

alia

alia roboratis statutis, & consuetudinibus; privilegiis quoque, Indultis, & Literis Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam si de illis eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores presentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse ad effectum praemissorum derogamus, ceterisque contrariis quibuscumque.

Transumptis
danda fides.

§. 11. Ut autem praesentes nostrae, quae ad singula loca deferri non possunt ad omnium notitiam facilius deveniant, volumus, ut eandem praesentium transumptis, vel exemplis etiam impressis manu alicujus Notarii publici subscriptis, & sigillo personae in dignitate Ecclesiastica constitutae munitis, ubique locorum, ut praefertur, eadem prorsus fides habeatur, quae haberetur ipsis praesentibus, si forent exhibita, vel ostensa.

Dat. die 15.
Aprilis 1739.
An. IX.

Darum Romae apud S. Mariam Majorem sub Annulo Piscatoris die 25. Aprilis 1739. Pontificatus nostri Anno nono.

D. Card. Passioneus.

CCLVII.

Commissio Archiepiscopo Mexican., ut declararet Tertiarios Ord. FF. B. Mariae de Monte Carmelo Discalceatorum nuncupatorum Congregationis Hispaniae aliis Ordinibus adscriptos omnium Ordinum promiscue Indulgentis uti posse.

CLEMENS PP. XII.

Ad futuram rei memoriam.

In Indiis institutus Tertius Ordo Carmelitarum Discalceatorum.

§. 1. **N**uper pro parte dilecti filii Vincentii a Conceptione Fratris expresse professi, ac Procuratoris Generalis Ordinis B. Mariae de Monte Carmelo Discalceatorum nuncupatorum Congregationis Hispaniae Nobis expositum fuit, quod in quamplurimis ex Conventibus Ordinis, & Congregationis hujusmodi in Indiis existentibus in vim privilegiorum eidem Ordini a fel. rec. Nicolao V. & Bonifacio VIII. concessorum, & a Sixto IV. & Clemente idem VIII. Romanis Pontificibus Praedecessoribus nostris confirmatorum tertius Ordo ejusdem B. Mariae erectus, & institutus reperitur.

Huic se adscribere nonnulli Tertiarii Ordinis S. Francisci, qui cum ex hoc Ordine expuncti forent a Superioribus, recursum habuerunt ad Archiep. Mexican.

§. 2. Verum quia non pauci ex Tertiariis praedictis Tertio Ordini Fratrum Minorum S. Francisci adscripti existunt, in Oppido Civitate nuncupata de Toluca Mexican. Diocesis dubium excitatum fuit, an Tertiarii utriusque Ordinis hujusmodi Indulgentiis, gratiisque spiritualibus promiscue frui possent, & licet primodicti Ordinis, & Congregationis Superiores nullam in hac re difficultatem haberent, nihilominus Tertiarii ejusdem S. Francisci absque ulla ratione non solum contradicere, verum etiam ex eorum libris omnes illos, qui Tertio Ordini B. Mariae hujusmodi adscripti erant, deleri ausi fuerunt. Quare dicti Tertiarii B. Mariae de Monte Carmelo, qui saeculares existunt, & privilegio fori minime gaudent, sed tantummodo Indulgentiarum, & gratiarum spiritualium indulto fruuntur, ea de causa ad Venerabilem Fratrem modernum Archiepiscopum Mexican. recursum habuerunt, qui auditis rationibus hinc inde deductis, consideransque charitatem, piisque devotionem Christianissimam erga Regulares Ordines non esse restringendam, sed omnibus ad animarum salutem modis amplificandam, mandavit Tertiarios B. Mariae praedictos reintegrandos.

Archiep. declaravit, illos esse reintegrandos.

grandos, & Tertio Ordini S. Francisci, unde delicti fuerant iterum adscribendos esse.

§. 3. Quamvis autem mandatis praedictis Tertiarii S. Francisci praedicti paruerunt, excitataque controversia utrinque composita fuerunt, tamen dictus Vincentius Procurator Generalis ad auferendas perturbaciones, confusionesque, quae ea super re in posterum exoriri possent, Instituto Ordinis, & Congregationis hujusmodi hoc unum spectanti, ut ejusdem Ordinis, & Congregationis Tertiarii quodcumque aliud medium ad illorum salutem conducens suscipiant, & in illo perseverent, inhaerens, Tertiarios utriusque Ordinis, sive alteri, ex dictis, sive cujuscumque alii adscriptos omnibus Indulgentiis, & gratiis spiritualibus promiscue gaudere per Nos declarari plurimum desideret. Nobis propterea humiliter supplicari fecit, ut in praemissis opportune providere, & ut infra indulgere de benignitate Apostolica dignaremur.

Procurator Generalis Discalceatorum hanc sententiam a Pontifice petit confirmari.

§. 4. Nos igitur piis ejusdem Vincentii Procuratoris Generalis votis hac in re, quantum cum Domino possumus, annuere volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innotatus exiit, ad effectum praesentium duntaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini interpretum, ad quos supplicem libellum Nobis porrectum remisimus, qui dilectum filium modernum Procuratorem Generalem Ordinis Fratrum Minorum S. Francisci de observantia nuncupatorum, audierunt, consilio, eidem moderno, & pro tempore existenti Archiepiscopo Mexicano per praesentes committimus, & mandamus, ut veris existentibus narratis, ad supradictam declarationem juxta petita, auctoritate nostra Apostolica pro suo arbitrio & conscientia gratis deveniat, salva tamen semper in praemissis auctoritate Congregationis eorumdem Cardinalium.

De consilio itaque Congregationis Concilii committit Clemens d. Archiep. ut praefatam declarationem publicet.

§. 5. Decernentes easdem praesentes literas firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & in futurum spectabit, plenissime suffragari, & ab eis inviolabiliter observari; Sicque in praemissis per quoscumque Judices Ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Haec Literas perpetuo praecipit observari.

§. 6. Non obstantibus Constitutionibus, & Ordinationibus Apostolicis, necnon quatenus opus sit Ordinum praedictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis ac de verbo ad verbum insertis habentes, illis alias in suo robore permanens, hac vice duntaxat specialiter, & expresse derogamus, ceterisque contrariis quibuscumque.

Derogatio contrarium.

Datum Romae apud S. Mariam Majorem sub Annulo Piscatoris die 13. Maii 1739. Pont. nostri Anno IX.

Dat. die 13.
Maii 1739.
An. IX.